

SAVEZ KLIZAČKIH SPORTOVA BOSNE I HERCEGOVINE

REGISTRACIONI PRAVILNIK

Sarajevo, 04.11.2010.

OSNOVNE ODREDBE

Član 1.

Ovim Pravilnikom uređuje se postupak i uslovi registracije entitetskih klizačkih saveza, klizačkih klubova i klizača kao članova klizačkih klubova u Bosni i Hercegovini pri Savezu klizačkih sportova Bosne i Hercegovine (u daljnjem tekstu: SKSBIH)

Član 2.

Pod entitetskim klizačkim savezima podrazumijevaju se: klizački savezi registrovani na nivou entiteta Bosne i Hercegovine koji su osnovani, djeluju i imaju saglasnosti u skladu sa važećim zakonima na teritoriji entiteta.

Pod klizačkim klubovima podrazumijevaju se: klubovi za umjetničko klizanje, sinhrono klizanje i brzo klizanje na kratke staze (short-track) kao i kombinovani klubovi.

Pod klizačima se podrazumijevaju članovi klizačkih klubova koji nastupaju ili namjeravaju nastupati na takmičenjima koja se organizuju i održavaju prema pravilima entitetskih klizačkih saveza i SKSBIH.

Član 3.

Odluku o registraciji entitetskog klizačkog saveza u SKSBIH donosi Skupština SKSBIH na osnovu zahtjeva entitetskog klizačkog saveza o čijoj se registraciji odlučuje.

Sve aktivnosti vezane za registraciju klizača, klizačkih klubova i drugih sportskih organizacija su u nadležnosti entitetskih klizačkih saveza na čijoj teritoriji je klizač / klizački klub / sportska organizacija.

Na osnovu odluka iz stava 1. ovog člana registraciju provodi generalni sekretar SKSBIH.

Član 4.

Entitetski klizački savezi su dužni dostaviti SKSBIH sve podatke o registrovanim klizačima i klizačkim klubovima prije početka svake klizačke sezone.

Generalni sekretar SKSBIH je dužan voditi poseban registracioni spisak za klizače SKSBIH na osnovu podataka o registrovanim klizačima entitetskih klizačkih saveza.

Član 5.

Uz zahtjev za registraciju entitetski klizački savez je obavezan dostaviti:

- dokaz o registraciji kluba pri nadležnom organu uprave,
- Statut saveza,
- Zapisnik s posljednje Skupštine saveza,
- Imena predsjednika, sekretara i članova Upravnog odbora kluba

Član 6.

Klizački klubovi moraju biti registrovani kao članovi nadležnih entitetskih klizačkih saveza.

Klizači moraju biti registrovani u skladu sa Registracionim pravilnikom nadležnog entitetskog klizačkog saveza.

Bez valjane registracije u skladu sa odredbama ovog Pravilnika klizač / klizački klub ne može nastupiti na domaćim takmičenjima koja se organizuju i održavaju prema pravilima entitetskih klizačkih saveza i SKSBIH te na međunarodnim takmičenjima za koja prijavu vrši SKSBIH.

ZAVRŠNE ODREDBE

Član 7.

Ovaj Registracioni pravilnik donosi Skupština SKSFBiH, a stupa na snagu danom donošenja.

Predsjednik
Zikrija Đonko

Registracioni pravilnik usvojen je na Skupštini SKSBIH, održanoj 04.11.2010. godine.